

Headlines

1. मुखमंत्री उमर अब्दुल्ला होंरें जम्मू च बिजली विकास मैहकमे दी समीक्षा बैठक दी अध्यक्षा कीती- अधिकारियें गी निर्देश दिते जे ओह पूरे इलाके च बिजली सप्लाई गी बिजन रुकावट जकीनी बनान।
2. मुखमंत्री होंरें जम्मू-कश्मीर दी रणजी ट्रॉफी चैम्पियन टीम दे सम्मान च रातीं आहली रुट्टी दा आयोजन कीता- टीम गी पुरस्कार, राशि दे रुपै च 2 करोड़ दी रकम भेंट कीती।
3. मुख सचिव ते भारत दे मरदमशुमारी आयुक्त होंरें जम्मू-कश्मीर दे अफसरें गी डिजिटल मरदमशुमारी -2027 दी त्पारियें बारे जागरुक कीता- आंकड़े किट्ठे करने आहले 30 जहार शा मते कर्मी ते सुपरवाइज़र 6 जहार शा मते इलाकें गी कवर करोग।
4. राज्य चुनां आयुक्त शांतमनु होंरें जम्मू-कश्मीर च मतदाता सूचियें दी बशेश नज़रसानी दी समीक्षा लेई डिप्टी कमीशनरें ते सरबंधत अधिकारियें कन्नै गल्लबात कीती।
5. ते मौसम विभाग नै अज्जै थमां लेइयै 12 मार्च तगर केन्द्र शासित प्रदेश दियें केंई थहारें पर आम तौरा पर बदल छाए दे रौहने ते उच्चियें धारें पर हौली बरखा ते बर्फबारी होने दी पेशनगोई कीती ऐ।

<><><><><><>

CM-PDD

जम्मू आहले सिविल सचिवालय च मुखमंत्री उमर अब्दुल्ला होंरें बिजली विकास मैहकमे दी इक जायजा बैठक लाई। उ'नें अफसरें गी हिदायत दिती जे ओह खिते च निर्विघ्न बिजली दी सप्लाई यकीनी बनान। जवाबदेह प्रशासन आहले सरिस्ते पर ज़ोर पांदे होई मुखमंत्री होंरें मैहकमे गी आखेआ जे ओह बिजली सरबंधी सेवाएं दा ध्यान रक्खन ते लोकें दियें सरबंधी समस्याएं दा हल करन। उ'नें लोकें तगर सेवा उपलब्ध करोआने आहलें सरिस्ते गी मज़बूत करने पर जोर पाया। इस दरान अफसरें उ'नें गी चला'रदी परियोजनाएं- बिजली सप्लाई दी स्थिति ते ढांचे गी होर बेहतर करने लेई कीती जा'रदी कारवाइयें बारे दस्सेया-दसाया।

<><><><><><>

CM Ranji Team (Byte)

मुख्यमंत्री उमर अब्दुल्ला होंरें जम्मू-कश्मीर दी क्रिकेट टीम लेई रातीं दी धाम दा सरिस्ता कीता। एह धाम प्रदेश दी टीम आसेआ रणजी ट्रॉफी जितने दे सम्मान च आयोजित कीती गई। खडारियें दा सोआगत मुख्यमंत्री होंरें अपने काबिना ते सिनियर अफसरें दी मौजूदगी च कीता। टीम गी 2 करोड़ रपे दी राशी बी दिती गई ऐ। राशी टीम दे शानदार प्रदर्शन लेई उ'नेंगी दिती गई। बी.सी.सी.आई. दे अध्यक्ष Mithun Manhas होर बी इस मौके पर मौजूद हे। मुख्यमंत्री होंरें खडारियें गी मुबारकबाद दिती ते राश्ट्रीय सतह पर खिते दा मान बदाने लेई उन्दी सराहना कीती। रणजी ट्रॉफी बारे अपने विचार सांझा करदे होई टीम दे खडारी साहिल लोतरा होंरें आखेआ.....(बाईट)

<><><><><><>

CS Census

मुख्य सचिव अट डुल्लु होंरें भारत दे रजिस्ट्रार जनरल ते मरदमशुमारी आयुक्त मृत्युंजय कुमार नारायण हुंदी मौजूदगी च औंदी मरदमशुमारी 2027 लेई लोडचदी त्यारियें दी समीक्षा ते उं'दी मजबूती लेई इक उच्च स्तरीय जागरुकता सत्र दी अध्यक्षता कीती। औहने आहली मरदमशुमारी गी मुख्य भरें च पैहली बारी डिजिटल तौरा पर आयोजित कीता जाग। मीटिंग च जानकारी दिती गई जे त्रीह जहार कोला मते आंकड़े किट्ठे करने आहले कर्मी ते सुपरवाइज़र दो चरणों च 6 जहार 462 ग्रामें ते 78 कस्बें गी कवर करंगन। घरें दी सूची बनाने दा पैहला गेड़ मई 2026 च शुरू होग ते एहदे मगरा 2026-27 च समूलचे जम्मू-कश्मीर च जनसंख्या दी गिनतरी कीती जाग। एहदे शा पैहले भारत दे रजिस्ट्रार जनरल ते मरदमशुमारी आयुक्त मृत्युंजय कुमार नारायण होंरें 2027 दी मरदमशुमारी सरबंधी त्यारियें दा जायजा लैने लेई जम्मू दे त्रिकूटा नगर इलाके च जम्मू-कश्मीर ते लद्दाख दे मरदमशुमारी संचालन निदेशालय दा दौरा लाया। उ'नें सावधानीपूर्वक योजना- फील्ड अधिकारियें दी सखलाई ते जन-जागरुकता कार्यशालाएं पर जोर दिता। दौरें दौरान उ'नें मरदमशुमारी सरबंधी ई-लाइब्रेरी- मैडिकल रुम ते अमले दी भलाई लेई इक कैंटिन दा बी उदघाटन कीता।

<><><><><><>

Dy. CM Delegation

उपमुख्यमंत्री सुरेन्द्र चौधरी होंरें कल जम्मू आहले सिविल सचिवालय च केई सारे प्रतिनिधिमंडलें कन्ने मलाटी कीती ते उं'दी चिंताएं-समस्याएं ते मंगें गी सुनेआ। इस दौरान

प्रतिनिधिमंडल नै बक्ख-बक्ख मैहकमें ते लोक कल्याण कन्नै जुड़े दे कैई सारे मसलें गी पुट्टेआ- जिंदे पर सरकार दी तवज्जो देने दी लोड़ ऐ। उ'नें मुतलका मैहकमे गी हिदायत कीती जे ओह जायज मसलें दा फौरी तौर पर ते कारगर ढंगे सिर हल करन। लोकें तगर सेवाएं दी पुज्ज गी यकीनी बनाने दे सरकार दे धय्यै आहली वचनबद्धता गी दोहरांदे होई उ'नें आखेआ जे प्रशासन इस पेठा निष्ठा कन्नै कम्म करा'रदा ऐ तांजे लोकें गी बेहतर ढंगे सिर सेवा उपलब्ध होई सकन।

<><><><><><>

Train Services Resumed (Byte)

जम्मू रेलवे डिविजन च रेल सेवा पिच्छले बरे होई दी भारी बरखा मगरा बल्ले-बल्ले सामान्य होआ'रदी ऐ। सीनियर डिविजनल कमर्शियल मैनेजर उचित सिंघल होरें खबरें आहले इक चैनल कन्नै गल्ल करदे होई आखेआ जे 90 फीसद सेवा परतियै ब्हाल होई गेदी ऐ। “वंदे भारत एक्सप्रेस” मेद ऐ जे तौले शुरु होई जाग। इस बारे होर जानकारी दिंदे होई उ'नें आखेआ.....(बाईट)

<><><><><><>

ते हुंन बाकि दिएं खबरें कन्नै कुणाल श्रीवत्स

<><><><><><>

SEC Electoral Rolls (Byte)

प्रदेश चुनां आयुक्त शांतमनु होरें सारे डिप्टी कमीशनरें ते मुतलका अफसरें कन्नै इक बैठक लाई। इस दौरान जम्मू-कश्मीर च मतदात सूचियें दी नज़रसानी बारे चर्चा कीती गई। उ'नें जम्मू-कश्मीर च योग्य मतदाताएं दे पंजीकरण करने ते इस प्रक्रिया गी सुचारू बनाने पर जोर पाया। चुनां आयुक्त होरें योग्य मतदाताएं गी अपील कीती जे ओह अपने नांs मतदाता सूचियें च शामिल करोआन। इस दौरान एह जानकारी बी दिती गई जे योग्य मतदाताएं दी Qualifying तरीक पैहली अप्रैल 2026 रक्खी गेदी ऐ। इस बारे होर मती जानकारी दिंदे होई प्रदेश चुनां आयुक्त शांतमनु होरें आखेआ.....(बाईट)

<><><><><><>

Kisht –Bike Rally (Byte)

सी.आर.पी.एफ दी 52मीं बटालियन ने नशा-मुक्त जीवन शैली गी बढ़ावा देने लेई “नशा-मुक्त भारत” अभियान दे तैहत किशतवाड़ च इक बाइक रैली दा सरिस्ता कीता। सिविक एक्शन प्लान 2025-26 दे हिस्से दे तौरा पर इस रैली च सी.आर.पी.एफ दे जोआनें- मुकामी नौजवानें ते बसनीकेँ दी सक्रिय हिस्सेदारी दिक्खने गी लब्बी। पी.डी.सी. कालोनी भूप नगर मुख्यालय थमां शुरु होइयै एह रैली मुख बजार- बस स्टैंड ते गुरुद्वारा चौक सनें प्रमुख इलाकेँ च लंघियै सी.आर.पी.एफ दे 52मीं बटालियन दे मुख्यालय च पुज्जी। कमांडेंट भूपेश यादव होरें इस कार्यक्रम दा उदघाटन करदे होई लोकेँ गी अपील कीती जे ओह नशीले पदार्थ ते शराब कोला दूर रौहन ते सेहतमंद जीवन जीन। आकाशवाणी समाचार कन्ने गल्लबात करदे होई कमांडेंट भूपेश यादव होरें आखेआ.....(बाईट)



Weather (Byte)

मौसम विभाग नै अज्जै थमां 12 मार्च तगर केन्द्र शासित प्रदेश दियेँ केई सारी थाहरें पर हल्की बरखा ते बर्फबारी होने दी पेशगोई कीती ऐ। इत्थै नेह हालात 12 मार्च तगर बने दे रौहडन। 13 थमां 15 मार्च बश्कार मौसम आम तौर पर खुशक रहौग। 16 मार्च थमां 18 मार्च बश्कार मौसम आमतौर पर बदलोखड़ा रहौग ते किश उच्चियेँ धारें पर हल्की बरखा ते बर्फबारी होई सकदी ऐ। मौसम विभाग नै 12 मार्च तगर मती सारी थाहरें पर तापमान च 4 थवां 6 डिग्री सैलसियस तगर दी गिरावट औने दी पेशगोई कीती ऐ। मौसम बारे होर मती जानकारी दिंदे होई सरबंधी अधिकारी नै आखेआ.....(बाईट)



Drug Control Ramban (Byte)

रामबन च नशीलेँ पदार्थ दी रोकथाम सरबंधी मैहकमे आसेआ मैडिकल दियेँ दुकानेँ- Courier सेवा ते सेहत सरबंधी दिक्खभाल आहली सुविधाएं आली थाहरें पर नियमित तौर पर जांच ते निरिक्षण कीता जा'रदा ऐ। इस मुहीम दा मकसद आदत लग्गी सकने आहली दोआइयें- मानसिक तौर पर कसरी लोकेँ गी दिती जाने आहली दोआइयें दी बिक्री पर तक्क-रक्खने ते सी.सी.टी.वी निगरानी गी यकीनी बनाना ऐ। पुलस ते होर सरबंधी अफसरें कन्ने हाल च गूल-बनिहाल ते संगलदान च जांच कीती गेई। इनेँ निरिक्षणेँ दा मकसद गैर-कनूनी तौर पर दोआइयें दी बिक्री गी रोकना- इंटी गैर कनूनी आवा-जाई पर रोक लाना ते आम लोकेँ दी सेहत गी

सुरक्षा यकीनी बनाना ऐ। इस बारे होर मती जानकारी दिंदे होई रामबन दे असिस्टेंट ड्रग
अफसर रामबन संजीव कुमार गुप्ता होरें आखेआ.....(बाईट)

<><><><><><>